

## Gobaneng bana ba be ba opela mo tempeleng?

Thero mo Mateo 21:12-17

*Palo ya Beibele: Mateo 21:1-17*

*Temanathero: Mateo 21:12-17*

Sehlogo sa thero ya Mateo 21:1-11 e be e le: *Gobaneng Jesu a be a sepela godimo ga pokolo?* Mo therong ye lehono re lebelela ditaragalo ka morago ga botseno bja Jesu mo Jerusalema. Re botšiša potšišo ye: gobaneng bana ba be ba opela mo tempeleng? Bašemane le basetsana, ana le lena le a opela mo kerekeng? Ke a tseba gore le dira bjalo, ka nako tše dingwe le ema mo pele ga phuthego go opela. Empa le ge le dutše bjalo gona bjale, le a opela, le lena le swanetše go opela, gammogo le batswadi, go fetiša ka mo le kgonago ka kgona. Le leka go ithuta dipina ka moka, tšeo di opelwago le ka mokgwa o di opelwago ka mantšu. Mo kerekeng le kgona go opela. Go opela go bohlokwa kudu. Re tumiša Modimo, gomme ge re dira bjalo, le rena re a thaba. Gomme ana o a tseba, nke ke go botše sephiri: ge o opela, o iša Sathane kgole. Sathane ke o kotsi, o leka go re diriša sebe, gomme bofelong o a re bolaya. Gomme ge o opela, Sathane o a tšhaba. O hloile go opela. Ge o opela sefela, o tumiša Modimo, a ka se kgone go tšea seo.

Bana bešo, molaetša wo o akaretša le batho ba bagolo. Go opela go botše mo go rena. Gomme ka tsela yeo re opela mo kerekeng. Sa mathomo go isa hlompho go Modimo. Gomme sa bobedi go itumela gobane go loketše mmele wa gago, mo moyeng le mo bothong. Gomme ge o opela – e ka ba o opela mo kerekeng, goba mohlomongwe o opela o legae, o hlatšwa dibjana goba mo tšeleng ge o sepela, ge o opela sefela o tumiša Modimo, Sathane o tliile goba kgole le wena, o tliile go tšhaba!

Gomme bjale re tla mo potšišong ya rena: gobaneng bana ba be ba opela mo tempeleng? Re bala gore ge Jesu a fihla Jerusalema, o ile a ya tempeleng. Gona mo Jesu o be a tlwaetše go ruta batho Lentšu la Modimo. Go be go na le baruti ba bantši – rabbi's – mo tempeleng. Gomme e be e le setlwaedi gore Jesu a ka ruta mo tempeleng. Re bala gore ka letšatši le le latelago Jesu o ile a boela tempeleng go ruta gape. Gomme se ke seo temana ya rena e bolelago ka sona. Letšatši ka morago ga botšeno bja Jesu mo Jerusalema a le godimo ga pokolo. Ka letšatši le Jesu o ile a thoma go hlwekiša tempele. O ile a koba batho wa ba bego ba reka le go rekiša mo tempeleng. O ile a wiša ditafola tša bona tša ditšhelete, le mo ba dulago gona ba rekiša maeba. Bao ba bego ba fetola tšhelete, ba be ba le mo ka lebaka le: Ge o tliile mo tempeleng o tlišitše sehlabelo, bjalo ka ge Bajuda ba be ba dira ka mehla eo, ba be ba ea gona ba swere tšhelete, gomme mo tempeleng go be go na le batho ba bantši bao ba bego ba rekiša maeba le dinku le diphoofolo tše dingwe. Gomme gona mo ba tla reka phoofolo ya go dira sehlabelo. Empa motho o be a sa reke mo tempeleng ka tsela ye e tlwaelegilego. Mo tempeleng tšhelete e be e na le boemo bja yona. Gomme ge o tliša tšhelete ya gago, sa mathomo o swanetše go ya go bao ba fetolago tšhelete yeo. O ba nea tšhelete ya gago gomme bona ba go fetolela yona gomme ba itliša go wena ka boemo bja theko ya mo tempeleng. Go diragetše bjalo gore – baperisita le baLefi – ba be ba dira tšhelete ye ntši ka tsela yeo. Gomme ya fetoga go ba kgwebo! Gomme, ka theko ya mo tempeleng motho o be a kgona go reka phoofolo ya maleba ya go dira sehlabelo.

Empa ke eng seo re se bonago mo? Jesu o a ba koba gomme a tloša ka moka bao ba dirago tšhelete, gomme a goeletša a re: Ntlo ya ka e tliile go bitšwa ngwako wa thapelo, empa le dira lefelo la kgwebo! Ka mantšu a – ngwako wa thapelo – le – lefelo la kgwebo – Jesu o lebišise go baporofeta ba Testamente ya kgale. O be a bolela le baruti wa babego ba legona mo. Ke moporofeta Jeremia yo a boletšego ka lefelo la kgwebo. Moporofeta yo o kgalemetše ditiro tšeo di bego di dirwa kgale mo tempeleng. O kgalemetše Bajuda ka go dira tempele lefelo la bootswa. Nke Bajuda ba tla šireletšega mo tempeleng go sa lebelele gore ba dira eng mo tempeleng. Jeremia o kgalemetše batho ba re: Nke le lebelele seo se hlagetšego Siloh. Lefelo leo Modimo a bego a lego lona mathomong mo matšatšing a Eli le Samuele (Jer 7:12). Go diragetše eng ka

Siloh? Siloh e ile ya fedišwa ke baFilisita. Ana o nagana gore selo se bjalo se ka diragala mo tempeleng ya Jerusalema? Ka nnete, ge tempele e le ngwako wa thapelo e tlile go dula e eme. Empa ge e eba lefelo la kgwebo, Modimo a ka se hlwe a eba le kgahlego mo ngwakong.

O ka nagana gore se se be se kweša Jesu bohloko. Se ka ba se mo kwešitše bohloko thata ga a bona tempele. A ka be a kwile bohloko gagolo ge a bona dilo tše bjalo di diragala mo ngwakong wa Tatagwe. Ana o ka lebelela ka mo a bego a emetše porofeto ya Jesaya 56 gore e diragale: gore ngwako wa Tatagwe e tlile go ba ngwako wa thapelo go ditšhaba ka moka. Empa bjale, ge a fihla mo, o humane e le lefelo la kgwebo. Lefelo la kgwebo e kgolo ya baperisita.

Empa bjale re bona phethogo e diragala. Monna yo wa kagišo, a sepela godimo ga pokolo, o a fofa o fologa godimo ga pokolo, gomme o thoma go hlwekiša lefelo la tempele. Gomme ka morago ga seo ga se a ka a ema. Re bala mo temaneng ya 14: Difofu le balephera ba tlile go Yena mo tempeleng gomme a ba fodiša. Ana le kwile se, bašemane le basetsana? Jesu o fodišitše batho bao e bego e le difofu. Jesu o fodišitše batho bao ba bego ba na le lephera. A sa ba lefiše selo. Ga se a ka a tšea tšhelete go ba theko ya mo tempeleng. Ga se a tšea selo! Gona bjale boemo bja tempele bo a fetoga. Aowa, go goeletša batho ba ditšhelete le bao ba rekišago ba goeletša ba lebeletše tšhelete. Empa lentšu la Mophološi, la bolela le batho: Banna, basadi, mahlo a lena a bulegile! Goba, banna, basadi, emelelang le sepele! Go se na modumo wa tšhelete, difahlego tša batho bao ba maketšego e le la mathomo bophelong ba bona ba lebeletše botse bja meago ya tempele. Gomme lethabo la bona la gore ba kgona go šomiša maoto a bona mo bophelong la mathomo. Gomme go nea tšohle mphapahlogo, dilo di thoma go fetoga, go na le lešata, gomme go opela ga bana, go a gola, gomme go a tlala mo lefelong la tempele: 'Hossanah, go Morwa wa Davida!'

Re boela gape mo potšišong ya rena: gobaneng bana ba be ba opela mo tempeleng? Karabo ke gore: gobane Jesu ga a ba thibela. Ga ba opele! A nke nnete e tšwelele mo mantšung a bana! Ga se a ka ba humana lefelo la go opela le gore mantšu a bona a phatlalale mo tempeleng, go be go se na lefelo leo le šetšego e le la bona, gobane go be go na le barekiši, ba go fetola tšhelete, diphoofolo, le baperisita le bamangwalo. Empa bjale lefelo ke le legolo. Bjale gobaneng bana ba be ba opela mo tempeleng? Jesu ga a ka a ba homotša, seo ke karabo! Jesu o ba dumeletše! Jesu o ba boletše lefelo! Gomme ka go opela ba be ba phethagatša porofeto ya Testamente ya kgale. Gomme Jesu o lebišitše kudu go Psalme ya bobedi. Ge batswadi ba sa nyake go bolela nnete. Ge batswadi ba gatelela nnete mo go lego bokoa, nnete yona e tlile go tšwelela, gomme e tlile go tšwelela ka moka mo melomong ya bana! 'Go tšwa mo melomong ya bana le masea o hweditše tumišo.' Ga ba opele!

Ka letsogo le lengwe, baperisita le baruti ba molao ba ile ba laelwa ke Jesu gore ba homole. Baperisita le baruti ba be ba kwatile ge ba ekwa bana ba opela. Kudukudu ba e kwa mantšu ao a bego a opelwa ke bana! Ka nnete bana ba ile ba gopola mantšu ao – Hossana go Morwa wa Davida – go tloga letšatšing la maabane. Go tloga mo botšenong bja phenyo. Gomme le bjale, ge ba lemoga Jesu (monna yo a bego a sepela godimo ga pokolo maabane) gomme ba thoma go opela le go goeletša – Hosannah go Morwa wa Davida!

Baperisita ba bagolo le baruti ba molao ba be ba tseba gore seo se šupa eng. Morwa wa Davida, se se ra gore: ke Yena Kgoši! Empa ba be ba sa dumele mo go Yena, bjalo ka Kgoši. Gomme ka lebaka leo ba ile ba kwata ge ba ekwa bana bao. Gomme ba ile ba galefišwa ke lebaka la gore Jesu ga se a ka a ba homotša. Gobaneng bana ba be ba opela mo tempeleng? Gobane Jesu o ba dumeletše, ga a ba homotša. A bana ba tle go Nna, le se ke la ba thibela. Jesu o ba dumeletše go mo hlompha bjalo ka Kgoši ya bona. Gomme ge baperisita le bamangwalo ba be ba leka go gatelela nnete, bana ba ile ba e bonagatša. Hosannah go Morwa wa Davida!

Ka nnete, bana bešo, ka nako tše dingwe re ka makala, ka lebaka la nnete ye e tšwago mo mantšung a bana. batswadi ba tseba seo gabotse: o ka se fihlele bana ba gago nnete. Ga re se ke

ra gapeletša bana go homola ba homolela nnete. Mo la batswadi ba tšhaba go opela – ka lebaka la kgatelelo ya baperisita le bamangwalo – bana ba tšwetše pele: Hosannah go Morwa wa Davida! Ba ile ba opela ba goa ka lethabo, ba bina le balephera bao ba fodišitšwego le bao e bego e le difofu. Hosannah, tumišo go Morwa wa Davida! Ke Kgoši ya rena. Hosannah, tumišang Modimo!

Amene.